

տպագրիչի հիշատակարանը, որ ձեռագրերի նմանությամբ սովորաբար լինում է հնատիպ գրքերի վերջին էջի վրա:

Գրքի մանրազնին հետազոտությունը մեզ հնարավորություն տվեց պարզելու, որ դա հենց Հովհաննես Տերզնցու տպագրած Սաղմոսարանն է: Դրան նախ նպաստեց Տերզնցու և նրա որդու այն լուսանկարը, որ Գ. Զարպհանալյանը, Թեոդիկը, Գ. Լևոնյանը և մյուսները նկարագրելով Հովհաննես Տերզնցու Սաղմոսարանը, բերում են իրենց աշխատություններում: Նրա վերևի մասում փոքրատառ և մեծատառ տառանիշերով տպագրված է. «Յիշա զմեզ տեր յորժամ գաս արքայութեամբ քո և ողորմեա մեզ—Տէր Հովհաննէս Տէրզնցին և որդին խաչատուրն ծառայք Աստուծոյ և յիշողացս: ՌԼԵ». իսկ ցածում՝ «փ» զարդագրով «Յիշատակարան է սակաւիկ. փառք ամենասուրբ երչսր թէ (երրորդութեան) հօր և ...»:

Այդ հիշատակարանների տառանիշերը և զարդագիրը մենք համեմատեցինք Մատենադարանին հանձնված Սաղմոսարանի տառանիշերի ու «փ» զարդագրի հետ և գտանք, որ դրանք նույնն են: Ապա ուսումնասիրելով հիշյալ Սաղմոսարանը մենք հանդիպեցինք երկու փոքրիկ հիշատակագրությունների:

Իր հրատարակած գրքերի զանազան էջերի վրա Հովհաննես Տերզնցին ձեռագիր արտագրող գրիչների նմանությամբ, սովորություն ուներ մանր հիշատակագրություններ գրելու (այդ բանը առաջին անգամ նկատեցինք «Տոմար Գրիգորյանը» թերթիկի)³: Եվ ահա Սաղմոսարանի մեջ ևս պահպանվել են նման մի քանի հիշատակարաններ: Գրքի «զ» մամուլի 2-րդ էջում, գլխազարդից էլ վեր, տպագրված է հազիվ նկատելի հետևյալ հիշատակարանը. «Մեղաւոր Տէրզնցին յիշա ի տէր», իսկ «ժզ» մամուլի 7-րդ էջի տեքստի տակը տպագրված է. «Մեղաւոր Տէրզնցին



Նկ. 3. Հովհաննես Տերզնցին իր որդու՝ Սաչատուրի հետ

յիշեա ի տէր աստուած, սիրելի և քաղցր եղբարք իմ և տէր մեր լիսուս քրիստոս»:

Մեր համեմատությունների արդյունքներն, առավել ևս այս երկու հիշատակարանները ապացուցեցին, որ Սաղմոսարանն իրոք Հովհաննես Տերզնցու տպագրածն է: Այն հավանաբար տպագրվել է Տերզնցու բանտից դուրս գալուց հետո:

Սաղմոսարանի տպագրությունն իրականացնելու համար նրան օգնում են վենետիկում բնակվող հայ խոջաները, ինչպես դա վկայում է Գ. Զարպհանալյանը:

³ «Տոմար Գրիգորիանի Յավիտենականց»-ը նույնչափ հազվագյուտ գիրք է: Այդ գրքի «բ» մամուլի 7-րդ էջում կա հետևյալ հիշատակարանը. «Եւ զիս զաշխատողս զտէր յովանէս տէրզնցին և զվերակացու դործոյս զպարոն սուլթանշահն Յաղօթն ձեր սուր յիշման արձանի անեք, աղաչեմք ըզ՛նզ»: «բ» մամուլի 3-րդ էջին «Զթելագիրս զխաչիկն զորդիակս յիշեցէք ի տէր, ծառայս ձեր շտէր յովանէս Տէրզնցին յիշեցէք ի տէր»: Նույն գրքի մի այլ ուշագրավ հիշատակարանում գրված է. «Զփժուն գրիչս զտէր Յովհաննէս Տէրզնցիս զգեխնալրս մեզօք մի ողորմայիս արձանի անեք զձեզ աղաչեմք»: